

CONVENIO DE COLABORACION ENTRE A AXENCIA TURISMO DE GALICIA E O ARCEBISPADO DE SANTIAGO DE COMPOSTELA PARA A APERTURA DE IGREXAS NO CAMIÑO.

En Santiago de Compostela, 2 de maio de 2016

Reunidos

Dunha parte, D^a M^a Nava Castro Domínguez, directora da Axencia de Turismo Galicia en virtude do Decreto 34/2013, do 21 de febreiro, no exercicio das facultades que lle confire o artigo 5 do Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos.

E doutra parte o Ilmo. Sr. Don _____, Vicario Xeral do Arcebispado de Santiago de Compostela, en nome e representación do Arcebispado de Santiago de Compostela, con CIF _____, con domicilio na _____, en virtude das facultades que lle outorga o Código de Dereito Canónico.

As partes, segundo interveñen recoñécense reciprocamente personalidade xurídica e capacidade legal necesaria para se obrigaren en dereito e,

Expoñen

Primeiro.- Que a Axencia Turismo de Galicia, en virtude do disposto no artigo 9 do Decreto 196/2012, do 27 de setembro, polo que se crea a Axencia de Turismo de Galicia, é o órgano da Xunta de Galicia ao que lle corresponde o impulso e execución da política turística da Xunta de Galicia en relación coa promoción da calidade e innovación, o desenvolvemento, mellora, información e difusión do sector turístico galego, potenciando a devandita oferta, mediante a comercialización, información e difusión do produto turístico da Comunidade galega e particularmente do produto estrela de todos os galegos, o Camiño de Santiago.

Segundo.- Que unha das formas de promoción do Camiño e a posta en valor dos seus bens inmobles, tendo unha gran riqueza cultural, histórica e artística as igrexas por onde pasa o Camiño; así como as existentes na meta do mesmo como é Santiago de Compostela, agora que a afluencia de peregrinos é superior no verán e moito mais no Camiño Francés, así como noutros camiños que están a adquirir un gran pulo como o Camiño Portugués

Terceiro.- A colaboración entre a Axencia Turismo de Galicia e o Arcebispo de Santiago de Compostela e a promoción do Camiño de Santiago a través dos seus bens culturais como son as igrexas do Camiño de autentico interés en tódolos ámbitos.

Cuarto.- Non resulta posible a concorrencia competitiva, xa que o Arcebispo de Santiago é a titular das igrexas cuxa apertura aos peregrinos é necesaria para a divulgación do patrimonio vinculado ao Camiño de Santiago.

En virtude do anteriormente exposto acordan celebrar o presente convenio que se rexerá polas seguinte

Cláusulas

PRIMEIRA.- OBXECTO DO CONVENIO

O Obxecto deste convenio é o establecemento das condicións para a colaboración entre a Axencia Turismo de Galicia e o Arcebispo de Santiago de Compostela para permitir a apertura das igrexas máis singulares e de interese para os peregrinos pertencentes a dita Dioceses.

Así, a través do presente convenio a Axencia Turismo de Galicia, colaborará coa Diocese nos gastos do persoal necesario para a apertura, vixianza e peche destas igrexas, así como contribuír os gastos necesarios de mantemento como auga, luz, limpeza, calefacción.

O Arcebispo de Santiago comprométese a manter abertas ata o 30 de setembro as seguintes igrexas pertencentes a dita Dioceses:



Igrexa	Horario
A Peregrina (Pontevedra)	De luns a luns de 08:30 h. a 22:30 h.
San Marcos (Monte do Gozo)	De luns a luns de 07.30 a 20.30 h.
Capilla General de Ánimas	De luns a luns de 09.00 a 13.00 h.
San Benito	De luns a luns de 17.00 a 21.00 h.
San Pelayo de Buscas	De luns a venres de 10.00 a 12.00 h. De luns a venres de 17.00 a 18.00 h. Domingo de 12.00 a 14.00 h.
San Andrés de Barciela	De luns a sábado de 10.00 a 13.00 h. De luns a sábado de 18.00 a 20.00 h. Domingo de 11.00 a 14.00 h.
M.M. Benedictinas	De luns a domingo de 10.00 a 14.15 h. De luns a domingo de 16.00 a 19.00 h.
Iria Flavia	De luns a venres de 10.00 a 13.00 h. De luns a venres de 15.00 a 21.00 h. Sábado de 10.00 a 14.00 h. Sábado de 15.00 a 21.00 h. Domingos de 09.00 a 14.00 h.
Santiago de Arzúa	De luns a luns de 09.00 a 13.00 h. De luns a luns de 18.30 a 20.30 h.
Santa Baia de Arca	De luns a luns de 17.30 a 20.30 h.
San Paio de Sabugueira	De luns a luns de 08.00 a 11.00 h.
Santo Domingo de Betanzos	De luns a sábado de 12.00 a 13.00 h. De luns a sábado de 17.00 a 20.30 h.
Santa María de Betanzos	De luns a sábado de 12.00 a 13.00 h. De luns a sábado de 17.00 a 19.00 h.
Santiago de Betanzos	De luns a sábado de 12.00 a 13.00 h. De luns a sábado de 17.00 a 19.00 h.

SEGUNDA.- ORZAMENTO E FINANCIAMENTO

O orzamento estimado para a execución das accións ascende na súa totalidade a 52.000 euros, que se distribúen do seguinte xeito:

Gastos de persoal	47.500 €
Subministracións (comunicacións, electricidade, calefacción, seguros, correos)	5.000 €
TOTAL ORZAMENTO	52.500 €

A achega que fai a Axencia Turismo de Galicia para posibilitar a realización das actuacións é de 35.000 euros (o 66.66 %) e cubrirá só parte do custo de realización da actividade sen que Arcebispado obteña beneficio ou lucro industrial algún con dita achega. A contía restante para completar a execución do proxecto 17.500 correspóndelle executala ao Arcebispado de Santiago de Compostela (o 33.33 %).

A Axencia Turismo de Galicia procederá ao pagamento dos gastos correspondentes con cargo á aplicación orzamentaria 04.A2.761A.481.0 dos orzamentos xerais da Comunidade Autónoma Galega para o ano 2016, unha vez que a Arcebispado de Santiago de Compostela presente a documentación xustificativa disposta na cláusula sétima.

TERCEIRA.- OBRIGAS DO ARCEBISPADO DE SANTIAGO DE COMPOSTELA

Por este convenio de colaboración o Arcebispado obrígase a:

- Levar a cabo as actuacións obxecto deste convenio, así como executar o orzamento previsto na cláusula anterior.
- Incluír, en toda a documentación ou soportes empregados na realización das actuacións subvencionadas, a colaboración da Xunta de Galicia - Turismo de Galicia, así coma a marca "Galicia", regulada por Decreto 121/2011, do 16 de xuño, polo que se aproba a marca turística de Galicia e se regula a súa utilización.



- Achegar a información que lle sexa requirida pola Intervención Xeral da Comunidade Autónoma, o Consello de Contas e o Tribunal de Contas no exercicio das súas funcións de control do destino do investimento.
- Comunicar á Axencia Turismo de Galicia a obtención doutras subvencións, axudas ingresos ou recursos que financien a actividade subvencionada procedentes de calquera administración ou entes públicos ou privados nacionais ou internacionais. Esta comunicación deberá efectuarse tan pronto como se coñeza e en todo caso, con anterioridade á xustificación da aplicación dos fondos recibidos.
- Presentar, antes da sinatura deste convenio, certificacións de atoparse ao corrente no cumprimento das obrigas tributarias ou fronte á Seguridade Social e de non ter pendente de pago algunha outra débeda coa Administración pública da Comunidade Autónoma, así como unha declaración responsable de non estar incurso en ningunha das prohibicións para obter a condición de beneficiario, establecidas no artigo 10 da Lei 9/2007, do 13 de xuño, de subvencións de Galicia, de conformidade co disposto nos artigos 10 e 13 do Decreto 11/2009, do 8 de xaneiro, polo que se aproba o Regulamento da Lei de subvencións de Galicia.
- Edición dun folleto informativo sobre os horarios de apertura das igrexas e colocación en cada templo dun elemento informativo sobre este programa, onde figuren os logotipos facilitados pola Axencia Turismo de Galicia, que aprobará previamente este material de difusión.

CUARTA.- OBRIGAS DA AXENCIA TURISMO DE GALICIA

A Axencia Turismo de Galicia obrígase a realizar unha achega de 35.000 € como concesión directa dunha subvención ao Arcebispado de Santiago para a realización das actuacións previstas neste convenio de colaboración.

QUINTA.- COMPATIBILIDADE

De acordo co disposto no artigo 40.1 d) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a achega

económica prevista neste convenio será compatible con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou organismos internacionais.

En ningún caso o importe das subvencións as que se refire o parágrafo anterior poderá superar, no seu conxunto, o custe da actividade subvencionada, ao abeiro do disposto no artigo 17.3 da Lei 9/2007.

SEXTA.- PERSOAL

A subscrición do presente convenio non implicará relación laboral ou de calquera outra natureza entre as persoas ou profesionais que desenvolvan as actuacións subvencionadas que constitúen o obxecto do mesmo, de tal xeito que, por este concepto, non se lle poderá esixir responsabilidade ningunha directa nin subsidiaria á Axencia Turismo de Galicia. O Arcebispado de Santiago de Compostela, será o único responsable dos custos salariais, incluída a cotización empresarial á Seguridade Social por todos os conceptos.

SÉTIMA.- XUSTIFICACIÓN DO CONVENIO

A xustificación dos fondos efectuarase segundo a modalidade de conta xustificativa, de acordo co previsto nos artigos 28 da Lei 9/2007, do 13 de xuño, de subvencións de Galicia e o artigo 48 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño que a desenvolve, que conterá a seguinte documentación:

- Unha memoria explicativa da actividade realizada que acredite o cumprimento do obxecto do convenio.
- Facturas xustificativas dos gastos efectuados xunto coas transferencias bancarias ou outra documentación acreditativa do seu pagamento (nóminas, abonos a Seguridade Social, etc.)

No caso de tratarse de gastos inferiores a 1.000 € poderá xustificarse o pagamento mediante recibo do provedor.

- Certificacións de estar ao corrente das súas obrigas tributarias e sociais e de non ter débedas pendentes por ningún concepto coa Xunta de Galicia.

- De ser o caso, os tres orzamentos que se requiren en aplicación do artigo artigo 29.3 da Lei 9/2007, do 13 de xuño de subvencións de Galicia.
- No seu caso, carta de pago de reintegro no suposto de remanentes non aplicados así como dos intereses dereivados destes.

A data límite para presentar a documentación xustificativa será o 31 de outubro de 2016.

Non se entenderá incumplida a obriga de xustificación das actuacións obxecto deste convenio no caso de variacións das contías previstas nas distintas partidas establecidas no orzamento estimado na cláusula segunda, cando obedezan a razóns xustificadas e as actuacións que se levaran a cabo garden relación directa co obxecto do presente convenio, e sempre que se xustifique o importe total de 52.500 €.

Con anterioridade á xustificación das actuacións, o Arcebispado de Santiago de Compostela, presentará unha declaración do conxunto das axudas solicitadas, tanto as aprobadas ou concedidas como as pendentes de resolución, para un mesmo proxecto das distintas Administracións Públicas competentes ou das súas entidades vinculadas ou dependentes.

Á vista desta documentación, o órgano competente da Axencia Turismo de Galicia, expedirá certificación acreditativa do cumprimento dos fins obxecto do convenio e tramitará o seu pagamento.

En todo caso, a cantidade máxima que se obriga a aportar a Axencia, reducirase na mesma proporción que represente a cantidade xustificada respecto do orzamento total presentado.

Cando as actuacións obxecto do convenio fosen financiadas, ademais de coa subvención, con fondos propios ou doutras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas, de conformidade co establecido no artigo 28.6 da Lei 9/2007, do 13 de xuño, de subvencións de Galicia.

No caso de que se produza exceso das subvencións percibidas de distintas entidades públicas, o Arcebispado deberá reintegrar o exceso xunto cos xuros de demora, nos termos

que establece o artigo 23 do Decreto 11/2009, do 8 de xaneiro, polo que se aproba o Regulamento da lei de subvencións de Galicia.

Para estes efectos, considerarase gasto realizado o que foi efectivamente pagado con anterioridade á finalización do referido prazo de xustificación. Exceptúanse aqueles gastos cuxos pagamentos deban efectuarse nun momento posterior por axustarse aos calendarios de recadación, como os ingresos a conta do IRPF ou cotas por seguros sociais liquidables con posterioridade á data de xustificación. O importe destes ingresos ou cotas considerarase xustificado coa presentación do documento de gasto (factura ou documento equivalente) en que se reflicta o importe de retención ou cotizacións devengadas na data de xustificación. O Arcebispado quedará obrigada a presentar os documentos acreditativos da súa liquidación nos dez días seguintes ao remate dos prazos legalmente establecidos para o seu ingreso no período voluntario

Ao abeiro deste convenio poderán financiarse os gastos nos que tivese incorrido o Arcebispado de Santiago de Compostela, como consecuencia da realización de actuacións acordos co obxecto do convenio e que se teñan efectuado desde o 1 de xaneiro de 2016.

Procederá o reintegro parcial ou total da subvención nos casos previstos 33 da Lei 9/2007, do 13 de xuño, de subvencións de Galicia e concordantes do Decreto 11/2009, do 8 de xaneiro.

A Axencia Turismo de Galicia reservarase o dereito a solicitar toda a documentación que se considere precisa en relación coa xustificación do obxecto do presente convenio.

OITAVA.- PAGOS ANTICIPADOS E PAGOS A CONTA

Poderanse realizar pagamentos anticipados que suporán entregas de fondos con carácter previo á xustificación conforme ao artigo 63 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

Así mesmo poderanse realizar pagamentos a conta conforme ao artigo 62 do antedito Decreto que poderán supoñer a realización de pagamentos fraccionados que responderán ao ritmo de execución das accións realizadas. Para proceder ao seu pagamento, a Arcebispado de Santiago deberá enviar a documentación xustificativa relacionada na cláusula sétima.

A suma dos pagamentos a anticipados e a conta non será superior ao 80% das porcentaxes subvencionadas.

O Arcebispado de Santiago está exento da obriga de prestar garantía de conformidade co disposto no artigo 65.4 f) do citado Decreto 11/2009.

NOVENA.- COMISIÓN DE SEGUIMIENTO

Para o seguimento do convenio, da súa execución, ou coñecemento de calquera cuestión sobre a súa interpretación, modificación, resolución ou efectos que poidan xurdir, créase unha Comisión de Seguimento para que, de mutuo acordo, resolva o procedente. Esta comisión estará integrada por un representante designado polo Arcebispado de Santiago de Compostela e un representante designado pola Axencia Turismo de Galicia.

As cuestións litixiosas xurdidas respecto da interpretación, modificación, resolución e efectos do convenio, serán resoltas en última instancia pola persoa titular da Dirección da Axencia Turismo de Galicia.

DÉCIMA.- MODIFICACIÓNS DO CONVENIO

As modificacións do convenio adoptaranse por acordo expreso e escrito das partes asinantes, e de acordo cos trámites que esixa a normativa vixente.

DÉCIMO PRIMEIRA.- NATUREZA XURÍDICA E XURISDICIÓN COMPETENTE

Este convenio ten natureza administrativa, e queda fora do ámbito do Real Decreto Legislativo 3/2011, do 14 de novembro, polo que se aproba o texto refundido da Lei de contratos do sector público, que os exclúe expresamente no apartado c) do parágrafo primeiro do artigo 4.

A través deste convenio instrumentase a concesión directa dunha subvención ao abeiro do disposto no artigo 19.4 c) da Lei de subvencións de Galicia.

Será competente para entender os litixios que puidesen xurdir respecto da súa interpretación e execución a xurisdición contencioso-administrativa.

DÉCIMA SEGUNDA.- RESOLUCIÓN

Serán causas de resolución do presente convenio:

- O cumprimento do seu obxecto.
- O incumprimento total ou parcial de calquera das cláusulas que nel se establecen.
- O transcurso do tempo estipulado sen que se culminen as actividades acordadas.

DÉCIMO TERCEIRA.- PUBLICIDADE DO CONVENIO

O Arcebispado de Santiago de Compostela consinte a publicidade dos datos relevantes deste convenio nos termos previstos na disposición adicional do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

En cumprimento do disposto no artigos 18 e 20.8 da Lei 38/2003, do 17 de novembro, xeral de subvencións (LXS en diante) comunicarase a suscripción deste convenio á Base de Datos Nacional de Subvencións que operará como sistema nacional de publicidade de subvencións.

Coa sinatura deste convenio o CTG consinte e autoriza a publicidade dos datos persoais que consten no mesmo, e mailo resto das especificacións contidas nel, no Portal da Transparencia e Goberno Aberto, ao abeiro do disposto na Lei 1/2016, do 18 de xaneiro, de transparencia e bo goberno.

Asemade procederase a inscrición do convenio no Rexistro de Convenios, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de convenios da Xunta de Galicia.

DÉCIMO CUARTA.- VIXENCIA

O presente convenio estenderá a súa vixencia desde a data da súa sinatura ata o 31 de outubro de 2016.

E, en proba de conformidade, e previa á súa lectura, ambas as dúas partes firman dous exemplares do presente convenio, no lugar e data indicados no encabezamento.

POLA XUNTA DE GALICIA

POLO ARCEBISPADO DE SANTIAGO

A directora de Turismo de Galicia

O Vicario Xeral do Arcebispado